

## MARTXA

1/ Atozte arzayak, ariñ atozte,  
guazen guztiyok festara,  
Aita Josepe buru degula  
Donostiako plazara:  
kaletarrai eskaintzen gatoz  
amoriyozko doaya,  
soñu ederrak, dantza politak,  
kanta euskerazko eztiya.

2/ Greziyatikan etorri eta  
amaikagarren urtean,  
irugarrena degu arzayak  
Donostiyako kalean:  
Iñauteriyen soñubarekin  
ixildu gabe kantatzen,  
gabaz ta egunaz beti dantzan ta  
beñere ez gera nekatzen.

## ARTZAI KANTA

1/ Eman genuben itza  
lenago bi aldiz,  
etorriko giñala  
iñoiz edo berriz:  
irugarren aldiyan  
aurten emen gera,  
Donostiar maiteak,  
zubek ikustera.

2/ Orain amaika urte  
eta orain zortzi,  
Donostiya genduben  
lenago ikusi:  
ordutik oneraño  
ez genduben uste  
aurreratu zirala  
lanak onenbeste.

3/ Etorri geranian  
plaza-kantoyera,  
dira pozez malkoak  
agertu begira:  
esan nayagatikan  
da esan eziña  
gure biyotzak artu  
duten atsegiña.

4/ Berrirotik egiten  
zauden Donostiya,  
ederra bezelaxe  
zerade alaya:  
gutziz maitagarriya  
zedorren jendea,  
eziñ izan diteke  
dan baño obea.

#### EUSKARITXOA

Artzayak oroipena  
Iñauteriyari,  
goizetik arratsera  
dantzan ta kantari:  
beti umore ona  
gure soñubakin,  
adiskide ta maite  
donostiarrakin.

#### ZORTZIKOA

1/ Zortzikoa kantari  
menditik kalera,  
Donostiyara pozez  
gaur etorri gera:  
ariñ makil saltoan  
Aldapetan bera,  
Iñauteriyetako  
festak ikustera.

2/ Artzayak izan arren  
gure dantzariyak,  
dira guztiz lirañak,  
datoz txit galayak:  
kolore ederrezko  
berdiñak jantziyak,  
eskubetan politak  
makil ta ustayak.

3/ Dantza-leku ederra  
olezko biguña,  
plazan dago berriro  
gaur bertan egiña:  
ikusteko nork duben  
zankoa ariña,  
eta zeñek obeto  
darabilen oña.

4/ Zer ikusi geiago  
izan dezan festak,  
eta luzeagoa  
iraupena goizak:  
artzayakin batean  
datoz gaur modistak,  
josten eta bordatzen  
langille politikak.

5/ Guztiz ondo dakite  
egiten kofiyak,  
kolorezko zintakin  
modara jarriyak:  
oi ez bezelakoak  
dira neurri-gayak  
buru kolokak eta  
ilhez estaliyak.

6/ Len, oraiñ eta beti,  
kaletar maiteak,  
zubentzat esker onez  
biyotzak beteak:  
oroituko gerade  
juan arren urteak,  
gure denboran, eta  
ondoren semeak.